



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LXXIV. Markgraf Ludwig der Römer vereignet auf Antrag des Schulzen Dieterich zu Engersbuw dem Rath zu Gardelegen zu einer Spende Hebungen daselbst, am 7. August 1354.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

penitentibus et confessis qui ad prefatam Ecclesiam in singulis sui patroni festiuitatibus et in omnibus aliis infra scriptis, scilicet natalis domini, Circumcisionis, Epyphanie, Parasceues, pasche penthecostes, Ascensionis, Trinitatis, Corporis Cristi, Inventionis et Exaltacionis sancte Crucis, Michaelis archangeli, In omnibus festis beate Marie virginis, Natiuitatis et decollacionis beati Johannis baptiste, Beatorum petri et pauli apostolorum Et omnium aliorum apostolorum Et euangelistarum, In festo omnium sanctorum Et in commemoratione animarum, Ac in dictarum Ecclesiarum dedicatione ac per octauas omnium festiuitatum predictarum octauas habentium, Sanctorumque Stephani, laurentii,, Martini, Nicolai, Antonii, Gregorii, Jeronimy et Augustini Sancteque marie magdalene, Anne, Margarete, Katerine, Cecilie, Lucie, Agnetis, Agathe, Barbare et vndecim millium virginum Singulisque diebus dominicis et sabbatis causa deuotionis orationis aut rogitationis accesserint, Seu qui missis, predicationibus, matutinis, vesperis aut aliis diuinis officiis, exequiis et mortuorum sepulturis ibidem interfuerint, celebrauerintque vel fecerint celebrari vel qui in ferotina pulsacione campane flexis genibus ter aue Maria dixerint, Aut qui corpus Cristi vel oleum sacrum, cum infirmis portentur, secuti fuerint, Necnon qui ad fabricam predictae Ecclesie aurum, argentum, libros, calices aut queuis alia ipsi Ecclesie necessaria in suis testamentis vel extra donauerint, legauerint seu donari uel legari procurauerint, eciam si fuerint luminaria vel ornamenta, auxilium, consilium vel fauorem dederint manusque aliis porrexerint adiutrices, Et qui pro Reuerendo patre in cristo domino Episcopo halberstadenfi harum Indulgentiarum confirmatore Et pro Thiderico de Rockicz, milite, luseke, vxore, et henrico, eius filio, in peccatorum earum (sic) orauerint, Quociescunque qualitercunque et vbiconque premissa uel aliquid premissorum deuote fecerint, de omnipotentis dei misericordia et beatorum petri et pauli apostolorum eius auctoritate confisi singuli nostrum Quadraginta dies Indulgentiarum de iniunctis eis penitentiis misericorditer in domino relaxamus, Dummodo diocefani voluntas ad id accesserit et consensus. In quorum omnium testimonium presentibus litteris sigilla nostra sunt appensa. Datum Auinione, die XXIII mensis Nouembris, Anno domini Millesimo CCC. LIII. Indictione sexta Et pontificatus domini Innocentii diuina prouidentia pape sexti anno primo.

Nach dem Originale im Besitze der Petrikirche zu Stendal.

LXXIV. Markgraf Ludwig der Römer verleiht auf Antrag des Schulzen Dieterich zu Engersbaw dem Rath zu Gardelegen zu einer Spende Hebungen daselbst, am 7. August 1354.

Nouerint vniuersi tenorem presentium inspecturi, quod nos Ludouicus Romanus, dei gratia Marchio Brandenburgensis et Lusatie etc. ad instantem requisitionem et supplicationem prudentis viri Thiderici, prefecti in Engersbaw, cuius nostri in Gardelege fidelis dilecti, ac in honorem et reuerentiam omnipotentis Dei genitricisque sue beatissime virginis Marie et omnium sanctorum — — dedimus presentibus quoque donamus fidelibus nostris dilectis Consulibus ciuitatis nostre Gardeleghe proprietatem octo solidorum Brandenburgensium denariorum

minus quatuor denariis annuorum reddituum, sitorum in orto quodam, qui iacet ante valuam dictae civitatis, dictam Groperdorp, prope molendinum ultra fossam. Qui solidi et redditus ad predictum Thidericum antea pertinebant iusto proprietatis titulo ad dictos consules pertinendos et perpetue et pacifice possidendos. De quibus quidem solidis quolibet anno die Beati Martini Episcopi et confessoris predicti consules qui pro tempore fuerint in usus pauperum elemofynas ac stipas, vocatas vulgariter Spende, in salutare remedium ipsius Thiderici ac animarum progenitorum ipsius et heredum dare et distribuire tenebuntur. Renuntiantes omni iuri quoad ipsam proprietatem octo solidorum quatuor denariis minus quod nobis, nostris heredibus aut successoribus competit vel aliquo modo competere poterit in futurum. In cuius rei evidentiam sigillum nostrum presentibus est appensum, presentibus strenuis viris Friderico de Lochen, Johanne de Wanzleuen, Petro de Breidou, Nicolao de Kokeriz, curie nostre magistro, Buffone de Aluensleuen, militibus, nec non Thiderico Mörner, preposito Bernouensi, nostro protonotario, cum ceteris presentibus fide dignis. Actum Gardeleghe, datum vero Soltwedel, anno domini millesimo trecentesimo quinquagesimo quarto, feria quinta ante diem Beati Laurentii martyris.

Gerdens' Dipl. II, 443. 444.

LXXV. Markgraf Ludwig bestätigt das Stift Boyster, am 8. August 1354.

Noverint universi etc. Quod nos Ludovicus Romanus etc. volentes participes fieri omnium honorum operum et orationum, que fiunt in ecclesia collegiata beati Nicolai confessoris et pontificis in Boyster per canonicos et alias personas ecclesiasticas ipsius, qui pro tempore fuerint, ad honorem omnipotentis Dei ac omnium sanctorum ipsius nec non in remedium salutare anime nostre et animarum antecessorum, successorum et heredum nostrorum, confirmamus et presentibus confirmamus omnia privilegia nostra, concessiones, donaciones ac literas data et indulta preposito decano totique capitulo ecclesie ab illustribus principibus olim marchionibus Brandenburgensibus antecessoribus nostris bone memorie ac fratre nostro Karissimo Ludovico seniore marchione Brandenburgense et etiam a nobis et aliis quibuscunque, Volentes ea grata et rata habere perpetuo ac inviolabiliter et nolumus per nos, nostros heredes et successores nostros in omnibus articulis et clausulis suis et singulis aliquo modo violari. In cuius etc. presentibus Loehn, Wanthseve, Petro de Bredow, Kokeritz, Arxsleuen, Mornero, preposito cum ceteris. Datum Szoltwedel, Anno domini MCCCLIV. feria sexta ante Laurentii.

Aus Diekmann's Urkunden-Sammlung des Königl. Geh. Staatsarchives fol. 202.